

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 मुखमंत्री उमर अब्दुल्ला होरें वंदे भारत एकसप्रेस च श्रीनगर थवां कटड़ा तगर सफर कीता।
- 2 110 भारती विद्यार्थी जिंदे च 90 कश्मीरी न, दिल्ली ब्हाई अड्डे पुज्जे।
- 3 अंतरराष्ट्री योग दिवस दे ऐतिहासिक समारोह च श्रीलंका च अज्ज 117 आयुर्वेद संस्थानें च योग कीता गेआ।
4. भारत दी दिव्या देशमुख नै विश्व ब्लिट्ज शतरंज प्रतियोगिता च दुनिया दी नंबर इक्क खडारी हाउ यिफान गी हराइयै सब्बनें गी हैरान करी दिता। प्रधानमंत्री नरेंद्र मोदी होरें दिव्या दी इस सफलता लेई उसी बदाई दिती।

<><><><><><>

CM Vande Bharat

मुखमंत्री उमर अब्दुल्ला होरें श्रीनगर थवां कटड़ा बश्कार चलाऱदी नमी वंदे भारत एकसप्रेस च सफर कीता। इस मौके पर उन्दे पिता डॉ. फारुक अब्दुल्ला ते सलाहकार नासिर असलम वानी बी मौजूद हे। नेशनल कांफ्रेंस दे प्रधान फारुक अब्दुल्ला होरें छडे 9 दिनें पैहले गै इस रेल च सफर कीता हा। वंदे भारत एकसप्रेस रेल दा उद्घाटन प्रधानमंत्री नरेंद्र मोदी होरें कीता हा। एह रेल 7 जून गी शुरू होई ही ते बड़ी गै तौले इन्नै मुकामी लोके, श्रद्धालुएं ते सैलानिएं बश्कार लोकप्रियता हासिल कीती ऐ।

<><><><><><>

Op. Sindhu Students

ईरान थवां कुल 110 भारतीय विद्यार्थिएं गी लेइए इक्क डोआरी दिल्ली ब्हाई अड्डे पुज्जी। इन्दे चा 90 विद्यार्थी जम्मू-कश्मीर थवां हे। केई सारे विद्यार्थी ईरान च फंसी गेदे न कीजे खिते च तनोतनी बनी दी ऐ। इनें विद्यार्थिएं दे परोआर आहले चिंतित हे। इन्दे वापस आई जाने कन्नै परोआर आहलें राहत दा साह लैता ऐ। विद्यार्थिएं गी Armenia आहले रस्ते राएं सुरक्षित कड्डेआ गेआ। येरवन च सरबंधी भारती अधिकारिएं आसेआ पूरे इंतजाम कीते गेदे हे।

<><><><><><>

Div.Com SAJNY

जम्मू दे डिविजनल कमिशनर रमेश कुमार होरें बनिहाल इलाके दा दौरा लाया ते राश्ट्री जरनैली शिड़क दी मौजूदा स्थिति ते श्री अमरनाथ जी दी तैयारिएं दा जायजा लैता। इस मौके पर उन्दे कन्नै रामबन दे डिप्टी कमिशनर मोहम्मद अलयास खान ते होर दुए अधिकारी मौजूद हे। डिविजनल कमिशनर होरें डिप्टी कमिशनर गी हिदायत कीती जे ओह सारे कम्मै गी समें सिर पूरा करना यकीनी बनान। उनें लंगर लाने सरबंधी मंजूरी दा बी जायजा

लैता। उनें जिला प्रशासन गी हिदायत कीती जे ओह सारे नियम कायदे दा पालन करन ते सारी थाहरे पर साफ-सफाई बनाई रक्खन।

<><><><><><>

DC-Poonch DLRC

पुंछ दे जिला विकास आयुक्त विकास कुण्डल जेड़े जिला स्तर दी निगरान कमेटी दे चेयरमैन बी हैन, होरे बेंके दे कम्मकाज दा इक बैठक दौरान जायजा लैता। इस बारे च पुंछ दे डाक बंगले च बैठक लगगी। जिला विकास आयुक्त होरे बेंके गी हिदायत कीती जे ओह सारे बकाया मामले दा पैहल दी विनाह पर हल करन। उनें सरबन्धी विभागें गी हिदायत कीती जे ओह मामले गी पैहल दी विनाह पर प्रायोजित करन ते मामले गी सरबन्धी शाखा च जमा करोआन। उनें आखेआ।

<><><><><><>

JMC-Green Initiatives

जम्मू च सैलतन आहली थाहरे दे बाददे विस्तार दे मकसद कन्ने जम्मू नगर निगम नै क्लीन जम्मू ग्रीन जम्मू नांस दा वशेश अभियान रम्भेआ ऐ। जम्मू नगर निगम दे कमिशनर डाक्टर देवांश यादव होरे ऐलान कीता ऐ जे इस अभियान दे तैहत औंदी 15 अगस्त तगर जम्मू शैहरा दिएं बकख-बकख थाहरे पर 60 जहार शा मते रूक्ख-बूहटे लाए जाडन। इस अभियान दा मकसद पर्यावरण सरबन्धी सांभ-संभाल गी बढ़ावा दिंदे होई बसनीके गी रूक्ख-बूहटे लाने ते इन्दे महत्व बारे जागरूक बनाना बी ऐ। इस अभियान गी शुरू कीते जाने दे सरबन्धे च लोआए गेदे कार्जक्रमें च खरी मती गिनतरी च मकामी बसनीके ते होरनें कार्जक्रमें च खरी मती गिनतरी च हिस्सा लैता ते उनें रूक्ख-बूहटे गी गोद लेइयै उंदी सांभ-संभाल दा प्रण पाया।

<><><><><><>

Pre Yoga Day Announcement

आकाशवाणी जम्मू दा क्षेत्रीय समाचार एकांश अंतरराष्ट्रीय योग दिवस दे सरबन्धे च 20 जून गी 20 मिनटे दा इक खास कार्जक्रम पेश करा'रदा ऐ। एहदा प्रसारण शुक्रवारें बड्डले 9 बज्जियै 30 मिनटे पर कीता जाग। कार्जक्रम च स्हाड़े परोहने होडन मन्ने-परमन्ने दे योग माहिर ते नेचरोपैथ डॉ. नीलम शर्मा। ओह योग दे स्हाड़े जीवन च महत्व बारे अपने विचार सांझा करंगन। इस परिचर्चा दी मेजबानी करंगन स्हाड़ियां न्यूज एंकर श्रुति खजुरिया। इस कार्जक्रम गी स्हाड़े श्रोता मीडियम मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

SL Yoga Day

अंतरराष्ट्री योग दिवस दी तैयारियें दे चलदे श्रीलंका दे 117 आयुर्वेद संस्थानें च योगाभ्यासें दा प्रदर्शन होआ जेड़ा मुल्खै दा सब्बनें शा बड्डे स्तर पर लोके गी जागरूक करने आहला अभ्यास बनेआ। एह अभ्यास भारती उच्चायोग दी सांस्कृतिक शाखा विवेकानंद सांस्कृतिक केंद्र नै श्रीलंका दे आर्युवेदा मैहकमे कन्ने रलियै करोआया। इस पहलकदमी च 113 आर्युवेद अस्पतालें ते 4 विश्वविद्यालयें सब्बनें दी अच्छी सेहत ते कल्याण आस्तै योगदान

दिता। तैयारिये दे चलदे एह समारोह महीना भर चलने आहले समारोहे च इक्क हा। एहदे च लोकें बधी-चढ़िये हिस्सा लैता ते श्रीलंका च पैहली बारी आर्युवेद ते योग समुदाये इन्नै बड्डे पैमाने पर सहयोग कीता ऐ।

<><><><><><>

Yoga Day Jammu

आँदे अंतरराष्ट्रीय योगा दिवस दे समारोह दे चलदे Awakening Souls Seva Trust नै अज्ज बाहु किले दे के.सी रोपवे च इक्क योगा करने ते ध्यान लाने आहले सत्र दा आयोजन कीता। एह समारोह इस ट्रस्ट दी संस्थापक ते योगा दी माहिर मालवी गुप्ता हुंदे नेतृत्व च करोआया गेआ। उन्दे कन्नै इस समारोह च ट्रस्ट दे होर सदस्य बी जुड़े दे हे। एहदे अलावा एहदे च बक्ख-बक्ख उमी दे होर लोक बी शामिल हे ते इनें सब्बनें दा इक्के मकसद हा-पूरा पराता कल्याण। इस पहलकदमी दा मकसद योगा दे राएं लोकें गी शारीरिक ते मानसिक योग्यता बारे जागरूकता करना हा।

<><><><><><>

Yoga-Sanasar

अंतरराष्ट्री योगा दिवस जेड़ा 21 जून गी ऐ, ओहदी तैयारिये दे चलदे आयुष विभाग नै रामबन जिला प्रशासन कन्नै मिलिये सनासर दे खूबसूरत मैदान च योगा दी रिहर्सल दा इक्क कार्यक्रम आयोजित कीता। रामबन दे जिला कमिशनर मोहम्मद अलयास खान हुंदे समेत जिले दे होरनें मैहकमे दे अधिकारी बी इस आयोजन च शामिल हे। एहदे अलावा मकामी स्कूलें दे बच्चें बी एहदे च शामिल हे, जिनें योगा प्रशिक्षकें दे निर्देशें मताबक बक्ख-बक्ख योगासन कीते। जिला योगा संयोजक, आयुष डॉ. मसूद इकबाल जरगर, युवा सेवाएं ते खेड्डे दे मैहकमे दे दलेर सिंह ते शिक्षक संतोष चिब होर बी इस समारोह च शामिल हे। इस बारे गल्ल करदे होई रामबन दे अतिरिक्त डिप्टी कमिशनर एडीसी वरुणजीत सिंह चाढ़क होरें आखेआ।

<><><><><><>

PM-Divya Deshmukh

प्रधानमंत्री नरेंद्र मोदी होरें लंदन च विश्व Biltz Team शतरंज मुकाबले दे सेमीफाइनल च दुनिया दी शीर्ष खडारी Hou Yifan खिलाफ जित पर शतरंज दी प्रतिभाशाली खडारी दिव्या देशमुख गी बदाई दिती। प्रधानमंत्री होरें इस जित लेई दिव्या गी मुबारकबाद दिती। इक सोशल मीडिया पोस्ट च प्रधानमंत्री होरें आखेआ जे दिव्या दी सफलता उन्दे दृढ़ संकल्प गी दर्शादी ऐ जे दिव्या दी जित केई सारे उीरदे शतरंज खडारिएं गी बी प्रेरित करोग। उनें दिव्या दे भविक्ख दे जत्नें आस्तै अपनियां शुभकामनां दितियां।

<><><><><><>

Poonch-Chess

दुआ जिला मैजिस्ट्रेट ओपन चेस चैंपियनशिप 2025 दा समापन अज्ज पुंछ दे दीनानाथ रफीक मेमोरियल गर्ल्ज हायर सैकेंडरी स्कूल च होआ। इस समारोह दा आयोजन जिला प्रशासन पुंछ नै युवा सेवाएं ते खेड्ड विभाग कन्नै मिलिए करोआया। पुंछ दे डिप्टी कमिशनर विकास कुण्डल होरइस समापन समारोह च मुख्य परौहने हे ते कुड़ियें दी श्रेणी च हीना मीर होरें पैहला थाहर हासल कीता। मुस्सरत नईम होरें दुआ ते वनशिका रैना नै त्रीया थाहर हासल कीता। तोआई जागतें दी श्रेणी च रशीद मन्जूर होरें पैहला, सूर्यअनीष शर्मा होरें दुआ ते रमन शर्मा होरें त्रीया थाहर हासल कीता। मीडिया कन्नै गल्ल करदे होइ पुंछ दे डिप्टी कमिशनर विकास कुण्डल होरें आखेआ।

ते जागतें दी श्रेणी च पैहली थाहर हासल करने आहले रशीद मंजूर होरें आखेआ।

<><><><><><>